



Tamin'ny taona 1959 no nahazo ny zo feno hifidy ny vehivavy malagasy

Aleho torahana voninkazo mihitsy ny CENI («*Commission électorale nationale indépendante*» na Komisiona nasionaly mahaleotena momban'ny fifidianana) satria efa manao ezaka lehibe hampidirana ireo mizaka zom-pirenena malagasy, feno taona (18 taona miakatra) ka manan-jo handray anjara amin'ireo fifidiana ho avy amin'ny taona 2018 sy 2019. Raha efa tamin'ny volana oktobra 2017

no nametrahana ny


lisi

-

pifidianana

any anivon'ny fokontany tsirairay avy, dia efa misy izao ny fomba iray afahanao mijery ny momba anao anatin'izany lisitra izany, amin'ny alalàn'ny amin'ny tambazotra Internet. Ity ny rohy afahanao miditra ao:

<https://liste.ceni-madagascar.mg/elect/rech>



[TSINDRIO EO HO LEHIBE KOKOA](#)

Io amin'ny sary ambony io no tokony hitanao. Fenoinao ny toerana ho an'ny anaranao, ny fanampiananaranao (tsy voatery atao) ary indrindra indrindra ny laharan'ny karapanondrom-pirenena. Raha toa ka tsy mivoaka ny mombamombanao dia mankanesa aingana any amin'ny biraon'ny fokontany misy anao.



Ny fe-potoana farany moa dia ny 31 Janoary 2018 fa mety hialava izy io satria mbola maro tokoa ireo Malagasy tokony hifidy mbola tsy voasoratra.

Ny anay eto aminy madagate.org moa dia tsotra: aza ariana ny zonoa ary efao ny adidinao izay tsy an'olon-dratsy velively. Marina fa mbola tsy voalaza, hatreto aloha, ny daty hanatontosaina ireo fifidianana Filoham-pirenena, Solombavambahoaka, sns... fa mila vonona daholo izay mahatsapa tena fa Malagasy e!



Tsy milaza koa izahay hoe i Rahanona na i Rahanona no tokony ho fidiana, fa MANDEHANA MIJERY SY MANAMARINA NY ANARANA SY NY MOMBA ANAO AO ANATY LISI-PIFIDIANANA ALOHA AFAHANAO MIFIDY!
Izay ihany ny maha-Malagasy feno anao.

Jeannot Ramambazafy